



Broj: 06-04-53531-24/24
Sarajevo, 23.12.2024.godine

**SKUPŠTINA KANTONA SARAJEVO
-OVDJE-**

Predmet: Izjašnjenje na zastupničku inicijativu Zastupnika Čičić Davora, dostavlja se

Poštovani,

Zastupnik Davor Čičić je u okviru 18. Radne sjednice Skupštine Kantona Sarajevo uputio zastupničku inicijativu prema Vladi Kantona Sarajevo i Ministarstvu za boračka pitanja Kantona Sarajevo, a odnosi se na to:

“Da Ministarstvo za boračka pitanja Kantona Sarajevo razmotri mogućnost osnivanja Veteranskog centra za boračku populaciju KS i pošalje pismo namjere za otkup od sadašnjih vlasnika uz zahtjev za dostavu njihove ponude za prodaju i planira sredstva za otkup u Prijedlogu budžeta Kantona Sarajevo 2025.g. za objekat bivšeg Doma penzionera Novo Sarajevo, ulica Aleja lipa 56, lociran na k.č. 1151 K.O. Novo Sarajevo II kao objekat značajan za kulturno historijsko naslijeđe KS u kojem bi se uspostavio navedeni Veteranski centar.”

U obrazloženju inicijative, između ostalog, navedeno je i slijedeće: da je Zavod za zaštitu kulturno historijskog i prirodnog naslijeđa KS u svom mišljenju broj: 1376/23, Z14, Z20 od 12.10.2023. godine naveo da je na osnovu preliminarnog pregleda objekta i ambijenta u kojem je lociran, objekat bivšeg Doma penzionera u ulici Aleja lipa 56 zaključeno da isti posjeduje i arhitektonsku i ambijentalnu vrijednost i da bi kao takav trebao biti sačuvan i zaštićen, kao i da je, egistirajući u izvornom obliku, ovaj objekat rijedak primjerak izvorno stilski sačuvane arhitekture objekata internacionalnog stila u Kantonu Sarajevo. U vrijeme agresije na BiH i opsade Sarajeva u navedenom objektu se nalazio i štab Armije Bosne i Hercegovine odakle se rukovodila odbrana Trga Heroja, naselja Hrasno, a time i odbrana grada u cjelini, što mu kao takvom daje dodatnu povijesnu vrijednost koju treba zaštititi i radi njegovanja kulture sjećanja i kao potencijalnog spomen obilježja ili eventualno muzeja jedinice Armije BiH koja je u njemu u tom razdoblju boravila. Zbog toga inicijativu dostavlja i Ministarstvu za boračka pitanja Kantona Sarajevo kako bi dali svoje mišljenje i potencijalno podržali inicijativu.

Navodi se kako bi djelokrug rada Veteranskog centra Kantona Sarajevo bio, između ostalog, pružanje podrške i usluga boračkoj populaciji kroz program boravka ili smještaja, usluga psihosocijalne pomoći i podrške, savjetovanja i pomaganja, rekreacijske i rehabilitacijske usluge, usluge promicanja zdravlja, vrijednosti kulture sjećanja, organizacija kulturno-umjetničkih događaja itd, kao i da bi u Veteranskom centru korisnicima na raspolaganju bio multidisciplinarni tim sastavljen od psihologa, socijalnog radnika, fizioterapeuta, kineziloga, radnog terapeuta, medicinske sestre/tehničara,



njegovateljice, administrativnog osoblja, kao i da bi Veteranski centar istovremeno bio i centar razvoja u kojem se pruža savjetodavanja pomoć, organiziraju edukacije kroz različite radionice, seminare, treninge, osnažuje potencijal korisnika za zapošljavanje i poduzetništvo, što bi sve podiglo kvalitetu življenja korisnika kao i njihovog socio-ekonomskog položaja.

Na pokrenutu zastupničku Inicijativu dajemo slijedeće

IZJASNJENJE

Podržavajući Inicijativu upućenu od strane zastupnika Čičić Davora, Ministarstvo za boračka pitanja Kantona Sarajevo se svojim aktom broj: 06-04-53531-24/24 od 24.12.2024. godine obratilo Općini Novo Sarajevo na čijem području se nalazi predmetna nekretnina, sa Inicijativom za realizaciju ovog projekta i u tom cilju molbom za dostavu podataka koji uključuju informacije u kojem statusu se nalazi predmetni objekat bivšeg Doma penzionera Novo Sarajevo, ul. Aleja lipa br. 56, lociran na k.č. 1151 k.o. Novo Sarajevo II, odnosno ko je upisan kao zemljišno-knjižni vlasnik istog, da li su riješeni imovinsko-pravni odnosi u vezi sa ovim objektom, tj. da li postoje aktuelni imovinsko-pravni sporovi, da li postoje upisani tereti na nekretnini te da li postoji mogućnost otkupa istog od zemljišno-knjižnog vlasnika i pod kojim uvjetima ili sticanja prava na korištenje odnosno ulazak u posjed na drugi adekvatan način, a iz razloga što se tek nakon riješavanja odnosno utvrđivanja vlasničkih prava i imovinsko-pravnih odnosa u pogledu predmetne nekretnine moglo pristupiti formiranju Javne ustanove iz oblasti socijalne zaštite pod nadzorom Ministarstva za rad, socijalnu politiku, raseljena lica i izbjeglice Kantona Sarajevo koja bi provodila djelokrug rada i aktivnosti predloženog Veteranskog centra Kantona Sarajevo, kao i dalje razmatranje mogućnosti otkupa navedene nekretnine u ove svrhe.

Nakon što od strane Općine Novo Sarajevo zaprimimo informacije po navedenom, tj. nakon što se utvrdi imovinsko-pravni status nekretnine, ovo ministarstvo će u zavisnosti od istih poduzeti dalje aktivnosti na realizaciji inicijative.

S poštovanjem,



Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a



Adresa: Reisa Džemaludina Čauševića 1, 71000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

2/2